

INUIT ATAQATIGIIT

Inatsisartuni



UKA2019/Imm. 170
12. november 2019
Mikivisuk Thomassen

Inuussutissarsiutigalugu piniartut nannuttamik amiinik qapiartitsisarnerannut suliaritinneqarneranut akiusut malillugit akilernerqartarneranut akiliutaasup 50%-anik taperneqartarlernissaannik, ilanngullu angallannera Naalakkersuisut peqquneqarnissaannik Inatsisartut aalajangiiffigisassaattut siunnersuut. Nunat tamalaat nannut amiinik piniartut niueruteqarsinnaanerit inerteqqutigaat, tamaalluni piniartut nannut amiinik tunisisinnaanerannut periarfissaarunnerannut taarsiutitut tapiissutip siunertaqarpoq.

(Inatsisartunut Ilaasortaq Jens NapātôK', Partii Naleraq)

Siullertut qujarusuppugut siunnersuuteqartumut.

Piniartut inuussutissarsiutigalugu piniartuusut uani pineqarnerat ersarippoq tamallu pitsaasutut isigaarput, Nannup amianik qapiartsitisinnaaneq 50%-anik tapiiffigineqartalernissaannut suliaritinneqarsinnaaneranut.

Inuit Ataqatigiinniit soqutigaarput piniartut inuussutissarsiuteqartut oqilisaaffigineqartarnissaat Qapiartsitisoqarneratigut Nannup amianik, ilisimavara nannup amii qanoq suliarineqarsinnaaneri pisariutigisinnaaneri, kiisalu piniartut nuliaasa ilaat pikkorissorujussuuppit nannup amiinik suliaqarnissaminnut ilisimasaqarluartuullutik pitsaasumik suliarinissaannut piffissarlu sivisoq atorlugu suliarineqarsinnaasarluni, tassami piniartut inuussutissarsiuteqartunut nannup amia atorfissaqarluarpoq oqorsaattut nalliuttorsionermilu nannup amii atorneqartarlutik, ilaatigullu piwaneqartarlutik assiliaatissartut arlaatigulluunniit pigisassatut.

Kiisalu illoqarfiit ilaa peqatigiiffeqartut ilisimasakka assersuutigisinnaavara, Qaanaami Arnat Peqatigiit ukiorpassuannortuni peqatigiiffeqarpoq ilaatigullu taakkuuppit pisisinnaasartut amernik ilanngullugit misissuiffigineqarnissaat kissaatigaara isiginiarneqarnissaat Inuit Ataqatigiinniit maluginiaqquvavut.

Nunatsinni maani annertusiartorpoq ammerinerup tungaatigut soqutigisaqarnerit soqutiginninnerillu ammit suliarinissaannut, Qapiartsitisarneq pillugu ilinniartsitissutigineqarsinnaanera annertusarneqarnissaa ujartoqqullugu kaammattuutigaara kinguariit nikinnerannit ammit suliarineqarneqartarnerat ilinniartsitilluartoqarsinnaanera. Soorunami Kalaallisuuliornermik ilinniarfik periarfissaalluarpoq atorluarneqarlunilu, soorunami pingaaruteqarpoq illoqarfikkaartumik ammereriaaseq assigiinngitsumik sulineqarsinnaasarlutik tamannalu illersorneqartariaqartoq.

“Naalakkersuisut Kalaallit Nunaata Ammerivia A/S-imut, puisit amiinik tunitsiveqarnermik isumaginnittuusumut, ingerlaavartumik kiffartuussinermut isumaqatigiissuteqartarput. Kiffartuussinermut isumaqatigiissummi sinerissami inuussutissarsiutigalugu piniartut puisit amiinik tunisisarnissamut periarfissaqarnerat qulakkeerneqartarpoq.”

Naalakkersuisut akissutaanni takuneqarsinnaavoq Puisit amii pillugit piniartutut inuussutissarsiuteqartunut periarfissaalluortoq tunisaqarnissaminnut, Kisialli ameerniartarnermut tungasoq massakut atuutsinneqartoq ilungersunarluinnarpoq tulluanngilluinnarlunilu, tamannalu piaartumik aaqqiiffiqineqartariaqartoq. Amernillu tigooraasarneq aaqqissuussaanagerariaqarluni pitsaasumik. Tassami massakut amernik tigooraaneq ima ilungersunartigivoq piffissaq sivisooq atorlugu suliaasarlutik annertuumillu nukkiornartuullutik tigooraasunullu atugassarititaasut tulluanngilluinnarlutik. niuerutigineqarnermikkut pitsaasumik ingerlallutik taakkulu imminnut tulluuntuunngillat aaqqinneqartariaqarlutik.

Kiisalu amernik tigooraasunngussagaanni pikkorissaasarnissat ilitserorneqarnissat, soorunami ilaat pikkorissutsimikkut piginnaaneqareerput pitsaasumik amernik tunisaqarsinnaaneq anguneqassappat avaqqunneqarsinnaanngilaq.

Taamatut oqaaseqarluta siunnersuut taperserparput ataatsimiititaliamullu susassaqtunut innersuullugu.